

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj 7/10), a u vezi sa članom 37. stav 7. Zakona o izvršavanju Budžeta Zeničko-dobojskog kantona za 2018. godinu («Službene novine Zeničko-dobojskog kantona», broj: 1/18) i Programa utroška namjenskih sredstava iz oblasti šumarstva za 2018. godinu, usvojenog Zaključkom Vlade broj: 02-14-4720/18 od 19.03.2018. godine, na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona na 141. sjednici, održanoj dana 18.04.2018. godine, d o n o s i

ODLUKU

o odobravanju sredstava za poslove nadzora nad izradom šumsko-privrednih osnova za privatne šume u 2018. godini

Član 1.

(Predmet)

Odobravaju se sredstva za poslove nadzora nad izradom šumsko-privrednih osnova za privatne šume u 2018. godini, u iznosu do 30.000,00 KM (slovima: tridesethiljada konvertibilnih maraka), shodno usvojenom Programu utroška namjenskih sredstava iz oblasti šumarstva za 2018. godinu.

Član 2.

(Ekonomski kod)

Odobrena sredstva iz člana 1. ove odluke isplatit će se iz Budžeta Zeničko-dobojskog kantona za 2018. godinu, iz namjenskih sredstava planiranih na razdjelu 23, budžetska organizacija 03, potrošačka jedinica 0001-Ministarstvo za poljoprivredu, šumarstvo i vodoprivredu - Kantonalna uprava za šumarstvo, ekonomski kod 821600, pozicija „Rekonstrukcija i investiciono održavanje“.

Član 3.

(Realizacija Odluke)

Za realizaciju ove odluke zadužuju se Ministarstvo za poljoprivredu, šumarstvo i vodoprivredu - Kantonalna uprava za šumarstvo i Ministarstvo finansija, svako u okviru svoje nadležnosti.

Član 4.

(Stupanje na snagu)

Ova odluka stupa na snagu danom donošenja, a objavit će se u „Službenim novinama Zeničko-dobojskog kantona“

Broj: 02-14-6734/18.

Datum, 18.04.2018. godine

Z e n i c a

PREMIJER

Miralem Galijašević

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Kantonalna uprava za šumarstvo (putem Ministarstva),

1x Ministarstvo finansija,

1x a/a.